



Broj: 09/2-16-8-36065-16/23  
Sarajevo, 22.12. 2023. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama BiH ("Službeni glasnik BiH", br. 39/14 i 59/22), te prijedloga Ad hoc Komisije za javne nabavke utvrđenog u Zapisniku broj: JN1-16-8-36065-15/23 od 19.12.2023. godine, u postupku javne nabavke usluga posredovanja u prodaji avionskih karata za potrebe Ministarstva inostranih poslova BiH, **donosim:**

**ODLUKU**  
**o izboru najpovoljnijeg ponuđača**

Ponuđač „Ventura Travel Agency“ d.o.o. Travnik sa ponudom zaprimljenom kod ugovornog organa dana, 24.11.2023. godine pod brojem: 09/2-16-8-36065-3/23, proglašava se najpovoljnijim, te se imenovanom ponuđaču dodjeljuje okvirni sporazum za nabavku usluga posredovanja u prodaji avionskih karata za potrebe Ministarstva inostranih poslova BiH.

Ova odluka objavit će se na web-stranici [www.mvp.gov.ba](http://www.mvp.gov.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama ("Službeni glasnik BiH", br. 39/14 i 59/22).

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

**O b r a z l o ž e n j e**

Postupak javne nabavke pokrenut je Odlukom o pokretanju postupka broj: 09/2-16-8-36065-1/23 od 03.10.2023. godine, u kojoj je predviđeno da procijenjena vrijednost javne nabavke iznosi 400.000,00 KM bez PDV-a.

Objavještenje o nabavci br: 253-1-2-32-3-63/23, objavljeno je na Portalu javnih nabavki dana, 12.10.2023. godine, kao i u „Službenom glasniku BiH“, broj: 73/23 od 20.10.2023. godine.

Javna nabavka je provedena putem otvorenog postupka i istom je predviđeno provođenje e-aukcije, kao i zaključivanje okvirnog sporazuma na period od 1 (jedne) godine.

Komisija je Zapisnikom o pregledu i ocijeni ponuda u postupku javne nabavke usluga posredovanja u prodaji avionskih karata za potrebe Ministarstva inostranih poslova BiH, broj: JN1-16-8-36065-15/23 od 19.12.2023. godine, konstatovala da su do roka prijema ponuda, 27.11.2023. godine, pristigle sljedeće ponude:

1. „Ventura Travel Agency“ d.o.o. Travnik, dana, 24.11.2023. godine u 10:00 časova, sa ukupnom cijenom ponude u iznosu od 35.100,00 KM sa PDV-om, odnosno u iznosu od 30.000,00 KM bez PDV-a,
2. „Centrotrans“ a.d. Sarajevo, dana, 24.11.2023. godine u 10:45 časova, sa ukupnom cijenom ponude u iznosu od 37.440,00 KM sa PDV-om, odnosno u iznosu od 32.000,00 KM bez PDV-a,
3. „Kompas Sarajevo“ d.o.o. Sarajevo, dana, 24.11.2023. godine u 16:45 časova, sa ukupnom cijenom ponude u iznosu od 12.004,20 KM sa PDV-om, odnosno u iznosu od 10.260,00 KM bez PDV-a,
4. „Travel Plan“ d.o.o. Banja Luka, dana, 27.11.2023. godine u 09:10 časova, sa ukupnom

cijenom ponude u iznosu od 35.100,00 KM sa PDV-om, odnosno u iznosu od 30.000,00 KM bez PDV-a i

5. „Mrkulić Company“ d.o.o. Ilidža, Sarajevo, dana, 27.11.2023. godine u 09:40 časova, sa ukupnom cijenom ponude u iznosu od 36.998,91 KM sa PDV-om, odnosno u iznosu od 31.623,00 KM bez PDV-a, zaključno sa rednim brojem 5 (pet).

Analizom dokumentacije pristiglih ponuda, te suštinskom provjerom sadržaja i validnosti istih, Komisija je utvrdila da navedene ponude ispunjavaju formalno-pravne, ekonomske i tehničke uslove tenderske dokumentacije, te su iste prihvatljive i mogu biti predmet vrednovanja shodno kriterijima utvrđenim Obavještenjem o nabavci i tenderskom dokumentacijom.

Komisija je nakon sačinjavanja Zapisnikom sa otvaranja ponuda, broj: JN1-16-8-36065-8/23 od 27.11.2023. godine, uočila da je ponuda ponuđača „Kompas Sarajevo“ d.o.o. Sarajevo prvoplasirana, i da ista prema tački 7.5.3. tenderske dokumentacije, ima neprirodno nisku cijenu u odnosu na ponude ostalih ponuđača, pa je od navedenog ponuđača zatražila pojašnjenje neprirodno niske cijene.

Dana, 29.11.2023. godine, Ministarstvo inostranih poslova BiH je pravovremeno zaprimilo pojašnjenje neprirodno niske cijene od strane ponuđača „Kompas Sarajevo“ d.o.o. Sarajevo, koje je Komisija jednoglasno prihvatila i smatrala da je isto osnovano i obrazloženo u skladu sa članom 66. stav (2) Zakona o javnim nabavkama („Službeni glasnik BiH“, broj: 39/14 i 59/22).

Na osnovu prethodno navedenog, a u skladu sa tačom 3.5.1. tenderske dokumentacije, kojom je utvrđen kriterij za dodjelu ugovora „najniža cijena“, Komisija je konstatovala da su se za proceduru provođenja e-Aukcije kvalifikovali sljedeći ponuđači:

1. „Kompas Sarajevo“ d.o.o. Sarajevo, sa ukupnom cijenom ponude u iznosu od 10.260,00 KM bez PDV-a
2. „Ventura Travel Agency“ d.o.o. Travnik, sa ukupnom cijenom ponude u iznosu od 30.000,00 KM bez PDV-a,
3. „Travel Plan“ d.o.o. Banja Luka, sa ukupnom cijenom ponude u iznosu od 30.000,00 KM bez PDV-a,
4. „Mrkulić Company“ d.o.o. Ilidža, Sarajevo, sa ukupnom cijenom ponude u iznosu od 31.623,00 KM bez PDV-a i
5. „Centrotrans“ a.d. Sarajevo, sa ukupnom cijenom ponude u iznosu od 32.000,00 KM bez PDV-a

i da je iste potrebno pozvati na učešće u e-aukciji.

Nakon završene e-Aukcije, koja je održana dana, 04.12.2023. godine u 12:00 časova, a na osnovu Izvještaja o toku i završetku e-Aukcije, Komisija je konstatovala da je konačna rang lista ponuđača sljedeća:

1. „Travel Plan“ d.o.o. Banja Luka, sa ukupnom cijenom ponude u iznosu od 10,26 KM bez PDV-a,
2. „Ventura Travel Agency“ d.o.o. Travnik, sa ukupnom cijenom ponude u iznosu od 2.060,00 KM bez PDV-a,
3. „Centrotrans“ a.d. Sarajevo, sa ukupnom cijenom ponude u iznosu od 4.724,00 KM bez PDV-a,
4. „Kompas Sarajevo“ d.o.o. Sarajevo, sa ukupnom cijenom ponude u iznosu od 8.176,00 KM bez PDV-a i
5. „Mrkulić Company“ d.o.o. Ilidža, Sarajevo, sa ukupnom cijenom ponude u iznosu od 31.623,00 KM bez PDV-a.

Na osnovu formirane rang liste Komisija je uočila da ponuđač „Travel Plan“ d.o.o. Banja Luka, kao prvoplasirani ponuđač, prema članu 66. Zakona o javnim nabavkama („Službeni glasnik BiH“, broj: 39/14 i 59/22) i članu 17. Upustva za pripremu modela tenderske dokumentacije i ponuda („Službeni glasnik BiH“, broj: 90/14 i 20/15) ima neprirodnu nisku cijenu ponude, pa je od navednog ponuđača zatražila pojašnjenje neprirodno niske cijene sa rokom dostavljanja objašnjenja do dana, 11.12.2023. godine do 12:00 časova, koje navedeni ponuđač nije dostavio do navedenog roka.

Komisija je formirala novu rang listu na osnovu koje je uočila da ponuđač „Ventura Travel Agency“ d.o.o. Travnik, kao prvoplasirani ponuđač po novoj rang listi, prema članu 66. Zakona o javnim nabavkama („Službeni glasnik BiH“, broj: 39/14 i 59/22) i članu 17. Uputstva za pripremu modela tenderske dokumentacije i ponuda („Službeni glasnik BiH“, broj: 90/14 i 20/15) ima neprirodnu nisku cijenu ponude, pa je od navednog ponuđača zatražila pojašnjenje neprirodno niske cijene sa rokom dostavljanja objašnjenja do dana, 18.12.2023. godine do 10:00 časova, koji je isti dostavio dana, 15.12.2023. godine.

Dostavljeno objašnjenje Komisija je jednoglasno prihvatila kao osnovano i obrazloženo u skladu sa članom 66. Zakona o javnim nabavkama („Službeni glasnik BiH“, broj:39/14 i 59/22).


Cijeneci navedeno, a u skladu sa članom 64. stav (1) tačka b) i članom 65. Zakona o javnim nabavkama BiH, Komisija je jednoglasno dala preporuku da se Odluka o izboru najpovoljnijeg ponuđača za nabavku usluga posredovanja u prodaji avionskih karata za potrebe Ministarstva inostranih poslova BiH, dodijeli ponuđaču „**Ventura Travel Agency“ d.o.o. Travnik, sa ukupnom cijenom ponude od 2.060,00 KM bez PDV-a.**

**Pouka o pravnom lijeku:**

Protiv ove Odluke može se izjaviti žalba Kancelariji za razmatranje žalbi, najkasnije u roku od 10 (deset) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

**MINISTAR**

Elmedin Konaković



**DOSTAVITI:**

1. Ponuđačima,
2. Odsjeku za opšte poslove, arhiv i dokumentaciju i
3. Evidenciji a/a.

